

重刊道藏輯要

張三丰先生全集

漢嘉長乙山人李西月重編

張道淵于深氏敬書

閩中朱道生晚成子敬刊

姪 瑛春城

朱瓚素園全校字

男 璜蟠溪

列傳

張三丰遼東懿州人名全一一名君實三丰其號也以其不飾
邊幅又號張邈邈頎而偉龜形鶴背大耳圓目鬚髯如戟寒暑
道藏輯要 三丰全集 傳攷記 四 續畢集七 川上川

惟一衲一蓑所啖升斗輒盡或數日一食或數月不食書過日
不忘游處無恆或云能一日千里善嬉諧旁若無人嘗游武當
諸巖壑語人曰此山異日必大興時五龍南巖紫霄俱燬於兵
三丰與徒去荆榛闢瓦礫創草廬居之已而舍去太祖故聞其
名洪武二十四年遣使覓之不得後居寶雞之金臺觀一日自
言當死留頌而逝縣人具棺殮之及葬聞棺內有聲啓視則復
活乃游四川見蜀獻王復入武當歷襄漢踪跡益奇幻永樂中
成祖遣給事中胡濙偕內侍朱祥齋璽書香幣往訪遍歷荒徼
積數年不遇乃命工部侍郎郭璉隆平侯張信等督丁夫三十
餘萬人大營武當宮觀費以百萬計既成賜名太和太岳山設

官鑄印以守竟符三丰言或言三丰金時人元初與劉秉忠同師後學道於鹿邑之上清宫然皆不可攷天順三年英宗賜誥贈爲通微顯化真人終莫測其存否也

列傳 見微異錄

祇園居士

張邈暹名君實字鉉一別字玄玄遼東懿州人張仲安第五子也丰姿魁偉龜形鶴骨大耳圓目鬚髯如戟頂作一髻自號保和容忍三丰子手執刀尺寒暑惟衣一衲或處窮寂或游市口浩浩自如旁若無人有問之者終日不答一語及與論三教經書則吐辭滾滾皆本道德忠孝每遇事輒先知或三五日兩三月始一食然登山如飛或隆冬臥雪中藹射如雷時人咸異之道藏輯要

三丰全集 傳攷記

五 續畢集七

因呼爲張邈暹元末居寶雞金臺觀嘗一日辭世而逝從者爲棺殮臨窆發視之復生乃入蜀抵秦游襄鄧往來長安歷隴岷甘肅洪武初入武當登天柱峰徧歷名勝使弟子邱元靖住五龍廬秋雲住南巖劉古泉楊善登住紫霄乃自結草廬於展旗峰北曰遇真宮草菴於土城曰會仙館令弟子周真得守之洪武庚午拂袖長往不知所之明年太祖遣三山道士請造朝了不可見或曰住青州雲門洞永樂初遣給事中胡濙指揮楊永吉等物色之不得十年二月成祖爲書詔道士元虛子往武當於玄玄舊遊處建道場焚書冀有聞焉不獲仍御製詩賜之有若遇真仙張有道爲言必歎長相思之句天順末或隱或現上